

玉

海

五十五

玉海卷第一百十二

浚儀王應麟伯厚甫

學校

學校 下 辟雍

晉太學 國子學 兩學 辟雍

紀武帝泰始六年冬十一月幸辟雍行鄉飲酒禮志

曰禮儀之廢久矣乃復講肄舊典賜太常絹百匹承

博士學生牛酒咸宣二年惠帝元康三年並行其禮

文選注引陸機洛陽記辟雍在咸寧二年五月或

靈臺東相去一里俱魏武所徙

九月立國子學武帝初立國子學定置祭酒博士各一

月立國子學武帝初立國子學定置祭酒博士各一

行清宮通明典義者江左初減為九人元帝末增儀

禮春秋公羊博士各一人合為十一人後增為十六

人不復分掌五經謂之大學博士武元帝建武元年

十一月丁卯立太學成帝咸康三年正月辛卯立太

學孝武太元九年四月己卯增置太學生百人以車

國子博士十年二月立國學列傳王導元帝軍旅不息

學校不修導上書曰白頃皇綱失統頌聲不興將一

紀矣先進忘揖讓之容後生惟金鼓是聞干戈日尋

俎豆不設先王之道彌遠非所以端本靖末也今若

擇朝之子弟並入于學選明博修禮之士而爲之師

化成俗定莫尚於斯帝從之征南將軍戴邈言庠序

廢宜向道崇儒以勵風化琅邪王從之始立大學庾

亮爲征西將軍在武昌開置學宮

荀崧元帝太興

初轉太常時方修學校簡省博士其儀禮公羊穀梁及鄭易皆省不置崧以爲不可上疏曰世祖武皇帝崇儒興學經始明堂建營辟雍告朔班政鄉飲大射西閣東序河圖祕書禁籍臺省有宗廟大府金墉故事大學有石經古文先儒典訓賈馬鄭杜之徒章句傳注眾家之學置博士十九人學士如林猶選張華劉寔居太常之官以重儒教今博士準古計今猶未能半舊員十九人今五經合九人宜爲鄭易儀禮置博士且三傳並行未能孤廢與其過廢寧與過立詔

三
二
曰穀梁膚淺不足置博士餘如奏

時太常賀循請置

二禮三傳博士合八人

裴頠惠帝時奏修大學刻

寫石經

惠帝元康三年以多猥雜於是制立學官品第五以上轉入國學

袁瓌成

帝咸康三年上疏

國子祭酒袁瓌太常馮懷上疏

曰若得給其宅地

備其學徒博士僚屬粗有其官則臣之願也疏奏成

帝從之國學之興自瓌始

謝安石平符堅後請興

復國學以教胄子

太元九年尚書令謝安石請興復國學於太廟之南名國子學西有

夫子堂畫夫子及十弟子象南有

諸生省門外有祭酒省三博士省舊置博士三人

造廟房屋共百五十五間而品課無章當時

通典云云明年增

君子耻與其列云

謝玄舉臧熹為助教

潘岳

閑居賦靈臺傑其高峙其東則有明堂辟廱清穆敞

閑環林縈映圓海迴淵聿追孝以嚴父宗文考以配

天祇聖敬以明順養更老以崇年

注三輔黃圖大司徒官奏曰明堂辟

靡其實一也

兩學齊列雙宇如一右延國胄左納良逸祁

祁生徒濟濟儒術或升之堂或入之室髦士投紱名

王懷璽訓若風行應如草靡

注郭緣生述征記曰國學在辟雍東北五里太

學在國學東二百步學教胄子太學招賢良

國宋志晉泰始八年有司奏

太學生七千餘人才任四品聽留詔已試經者留之

其餘遣還郡國大臣子弟堪受教者令入學咸寧二

年起國子學

蓋周禮受教於師氏者

太康五年修作明堂辟雍

靈臺太元元年尚書謝安石請興復國學以訓胄子

班下州郡普修鄉校其年選公卿二千石子弟爲生
增造廟屋一百五十五間而品課無章士君子耻與
其列國子祭酒殷茂言之曰輔性成德必資於學先
王所以陶鑄天下津梁萬物舊制國子生皆冠族華
胄比列皇儲而中者混雜蘭艾人情耻之竊謂內外
清官子姪普應入學制以程課 齊志晉初太學生
三千人元康三年始立國子學官品第五以下得入
國學太學之與國學是晉世殊士庶異貴賤耳 自
穆帝至孝武並以中堂爲太學通典孝武太元初於
中堂立行太學依升平元年有司奏復二學生百二

十人事訖罷

唐六典注晉咸寧四年置國子博士一人梁置二人

北齊置國子寺有博士五人隋初隸太常置博士五

人大業三年置一人唐增置二人晉置助教十五人

隋五人大業三年置一人唐增置二人晉元帝增

置國子博士十六人謂之太學博士

晉書鄒湛仕魏
歷太學博士劉

琨亦隋初置五人仁壽元年罷國子惟立太學

七月戊戌

改國子置五人大業三年二人唐增置三人

後魏

置太學助教隋初五人唐置三人長安四年國子監

置直講四人

後魏官氏志有太學典錄

晉泮宮

列傳杜預鎮荊州修立泮宮 羊祜鎮南夏開設庠
序 范汪守東陽大興學校 庾亮領江州孟嘉爲
勸學從事 王沉仕郡文學掾 熊遠郡辟爲文學
掾 梁元帝爲荊州起州學置儒林參軍勸學從
事

宋四學

紀文帝元嘉十五年立儒學館于北郊十六年立玄
素史文學 通典二十年立國子學二十七年二月
戊寅廢 通鑑元嘉十五年豫章雷次宗好學隱居

廬山尤明三禮毛詩以處士召至建康爲開館於雞
籠山聚徒教授置生百餘人帝雅好文藝十六年使
丹陽尹何尚之立玄學太子率更令何承天立史學
司徒參軍謝元立文學并次宗儒學爲四學帝數幸
次宗學館令以巾褕侍講資給甚厚又除給事中不
就久之還山又築室於鍾山西爲招隱館使爲太子
諸王講自華林東門入延賢堂就業

次宗傳

時國子

學未立朱膺之庾蔚之並以儒學監總諸生

大明五年會稽立左學召生徒泰始中置總明觀祭
酒一人學士十人有四科

齊國學

南齊志建元四年正月詔立國學置學生百五十人
其有位樂入者五十人永明三年正月詔立學置生
二百人其冬皇太子講孝經親臨釋奠車駕幸聽尚
書令王儉領祭酒十日一還學監試諸生

豫章王

嶷於邢州立學以王秀之領儒林祭酒 謝幾卿補

國子生齊太子自臨策試王儉發問 鍾嶸巨仲孚

齊永明中國子生 江革請太學補國子生

梁五館

見館類

天監四年詔開五館建立國學置五經博士帝釋奠

先師先聖 陳天嘉中周弘正在國學發周易題

梁州郡學 國子學

紀天監四年正月癸卯置五經博士立州郡學二月初置胄子律博士六月庚戌立孔子廟五年五月置樂雅館以招遠學九年三月己丑幸國子學親臨講肄賜祭酒已下有差乙未詔太子及王侯子皆入學十二月癸未幸國子學策試胄子 儒林傳選士徒於會稽受業何肩分遣博士祭酒至州郡立學王承爲祭酒承祖儉父陳並居此職三代爲國師前代未有 梁劉洽遷博士撰太學碑

後魏國子學 皇子學 四門小學

皇宗學 鄉學

北史魏道武初立太學置五經博士天興二年春增
國子太學生員至三千人四年春命樂師入學習舞
釋菜于先師明元改國子爲中書學太武始光三年
春起太學於城東獻文天安初立鄉學郡置博士二
人助教二人學生六十人後詔大郡次郡立博士二
人中下郡一人學生至百
人至四十人通典
日郡縣學始於此太和十年改中書學爲國子
學建明堂辟雍尊三老五更九月又開皇子之學十六
年幸皇宗學問博士經義任城王澄請修復皇宗
之學開四門之教太和初孫惠蔚爲皇宗博士

及遷都洛邑立國子太學四門小學孝文太和十九年八月乙巳金

甯宮成立國子監太學四門小學於洛陽二十年立四門博士置助教二十人太和末董文發為四門小

學博士劉芳表云太和二十於是斯文鬱然比隆

周漢宣武時復營國學立小學於四門選儒生為小

學博士員四十人李謐師事小學博士孔番邢邵曰西京有六

學之義東都有三雍之盛今國子有學官之名無教

導之實何異兎絲燕麥南箕北斗一云李崇

北齊諸郡立學置博士助教

後周露門學 虎門館

後周書武帝天和二年七月甲辰立露門學置生七

十二人

唐瑾王褒等四人俱爲文學博士六年沈重

爲博士於露門館爲太子講論語宣和元年熊安生
爲博士樂遜在露門教授皇子大象二年二月丁巳
幸露門學行釋奠禮 辛公義傳周武帝召入露門
學令與大儒講論 蘇世長傳上書周武帝使卒學
虎門館 又有通道館學士 武帝立通道觀
保定三年尊太保燕公爲三老於是服袞冕乘碧輅
陳文物備禮容清蹕而臨太學袒割奉觴
內有崇文之觀外重成均之職

隋國子郡縣學

紀高祖仁壽元年國子學唯留學生七十人太學及

州縣學並廢

一水云開皇二十年廢國子四門及州縣學唯置太學博士二人學生七十二

人

儒林傳序仁壽元年

廢天下學唯存國子一所七月戊戌改國子爲太學

煬帝復開庠序國子郡縣之學盛於開皇初

文帝召馬光等六儒爲太學博士太業初左氏有

徐文遠禮有褚徽詩有魯達易有陸德明皆一時冠

孔穎達舉明經高第授河內郡博士潘徽揚州博

士京兆郡博士劉焯爲州博士

唐國子監 七學 六學 七館 六館

三館 祕書外省 小學 京學

王江卷一百十二
州縣學 貞觀廣學舍

選舉志國子監生尙書省補祭酒統焉州縣學生州縣掌官補長史主焉每歲仲冬州縣館監舉其成者送尙書省初高祖入長安開大丞相府下令置生員自京師至於州縣皆有數武德二年六月戊戌詔有司立周公孔子廟于國學四時祠求其後議加爵士又詔諸州明經秀才俊士進士明於理體爲鄉里稱重者縣攷試州長重覆歲隨方物入貢吏民子弟學藝者皆送于京學爲設考課之法州縣鄉里皆置學焉 儒學傳序高祖始受命鉏耨夷荒天下略定初